


VIÐBRAGÐSÁÆTLUN ALMANNAVARNA

Egilsstaðaskóli



Almannavarnadeild
ríkislögreglustjórans

Sóttvarnalæknir

Menntamálaráðuneyti

Efnisyfirlit

1.	<i>Inngangur að viðbragðsáætlun</i>	3
2.	<i>Heimsfaraldur influensu</i>	4
3.	<i>Háskastig almannavarna</i>	5
4.	<i>Virkjun viðbragðsáætlana skóla</i>	9
5.	<i>Stjórnun og lykilstarfsmenn skólans</i>	10
6.	<i>Starfssvæði skólans og umfang</i>	10
7.	<i>Áhættumat vegna influensufaraldurs</i>	11
8.	<i>Viðbragðsáætlun –Egilsstaðaskóla- við heimsfaraldri influensu</i>	12
9.	<i>Samskiptaleiðir</i>	15
10.	<i>Kort og teikningar</i>	16
11.	<i>Dreifingarlisti</i>	18
12.	<i>Breytingasaga</i>	19
13.	<u><i>Gátlisti skólastjórnenda - úr landsviðbragðsáætlun</i></u>	<u>19</u>

1. Inngangur að viðbragðsáætlun

Viðbragðsáætlun þessi segir fyrir um skipulag og stjórn aðgerða í *Egilsstaðaskóla* í samræmi við áætlun Almannaþingis um viðbrögð við heimsútbreiðslu inflúensu.

Markmið viðbragðsáætlana skóla eru að tryggja skipulögð og samræmd viðbrögð allra skólastofnana sem og starfsmanna þeirra þegar til inflúensufaraldurs kemur.

Við gerð áætlunarinnar er meðal annars stuðst við lög um almannavarnir nr. 82/2008 og lög um sóttvarnir nr. 19/1997.

Áætlunin er í samræmi við Landsáætlun vegna heimsfaraldurs inflúensu.

Viðbragðsáætlunir skóla hafa samræmda uppbyggingu. Keflar 2, 3, 4 og 7 eru sameiginlegir og geyma almennar upplýsingar frá menntamálaráðuneyti, almannavarnadeild ríkislögreglustjóra og embætti sóttvarnalæknis. Aðra kafla semja skólarnir sjálfir og mynda þeir hina eiginlegu viðbragðsáætlun hvers skóla.

Ábyrgð á áætlun þessari er í höndum *Ruthar Magnúsdóttur, skólastjóra*. Áætlunin verður endurskoðuð á a.m.k. fimm ára fresti, en yfirfarin árlega t.d. hvað varðar boðleiðir, gátlista og starfssvæði skóla. Ef miklar breytingar verða á starfsemi skólans verður áætlunin þegar í stað endurskoðuð.

Áætlunin verður kynnt fyrir starfsmönnum skólans, nemendum og forráðamönnum nemenda. Hún er aðgengileg á heimasíðu Egilsstaðaskóla www.egilsstadaskoli.is

Áætlun þessi tekur þegar gildi.

Egilsstöðum, 15.mars 2020

Ruth Magnúsdóttir

skólastjóri

2. Heimsfaraldur inflúensu

Saga heimsfaraldra inflúensu

Allt frá 16. öld hafa heimsfaraldrar inflúensu riðið yfir heiminn að minnsta kosti tvisvar til þrisvar á öld. Á 20. öldinni riðu þrjár heimsfaraldrar inflúensu yfir. Sá fyrsti geisaði 1918 og var afar mannskæður. Hann var nefndur spænska veikin en talið er að 50-100 milljón manns hafi látið lífið af hans völdum. Hinir tveir heimsfaraldrarnir riðu yfir 1957 og 1968 en ollu mun minna manntjóni. Á Íslandi gekk spænska veikin á suðvesturluta landsins á tímabilinu frá október til desember 1918 en áður hafði væg sumarinflúensa gengið yfir 1918. Spænska veikin hófst í ágúst í Evrópu og Norður-Ameríku.

Talið er að um 60% Reykvíkinga hafi veikst af spænsku veikinni og að allt að 500 manns látist á landinu öllu. Íslendingar geta dregið nokkurn lærdóm af reynslu þjóðarinnar frá þeim tíma. Til að hindra útbreiðslu veikinnar voru settar ferðatakmarkanir og lokað var fyrir umferð um Holtavörðuhéið og einnig yfir Mýrdalssand. Með þessu tókst að hindra að veikin bærist til Norðurlands og Austurlands en til Vestfjarða barst hún með skipum.

Þar sem að fyrri faraldrar hafa riðið yfir á um 40 ára fresti og síðasti faraldur geisaði fyrir 40 árum hefur verið búist við nýjum faraldri í nokkurn tíma. Í apríl greindist nýr stofn inflúensuveiru í mönnum (H1N1) í Mexíkó og Bandaríkjunum. Þessi stofn hefur breiðst nokkuð hratt út um heimsbyggðina og þegar þetta er skrifað (30. júlí 2009) hafa 46 tilfelli greinst á Íslandi. Til þessa hafa veikindi verið væg og dauðsföll fátíð. Rétt er að benda á að skæð inflúensa af A stofni (H5N1) hefur breiðst út í fuglum undanfarin 10 ár og í stöku tilfellum borist í menn með alvarlegum afleiðingum.

Viðbragðsáætlanir skulu vera í samræmi við Landsáætlun vegna heimsfaraldurs inflúensu og er að finna á www.almannavarnir.is, www.influensa.is og www.covid.is

Markmið viðbragðsáætlunar hvers skóla

Viðbragðsáætlun vegna heimsfaraldurs inflúensu miðar að því að lágmarka áhrif inflúensufaraldurs og afleiðingar hans innan skólans með því að:

- Skilgreina mikilvæga verkþætti menntastofnunar og lykilstarfsmenn og staðgengla.
- Draga úr útbreiðslu faraldurs á vinnustaðnum og lágmarka smithættu.
- Styrkja nauðsynlega starfsemi og treysta innviði skólans.
- Upplýsa starfsmenn, nemendur og foreldra.
- Veita nauðsynlega fræðslu.
- Eiga til samræmdar áætlanir vegna hugsanlegs samkomubanns og þar með lokunar skóla.

3. Háskastig almannavarna

Almannavarnastig

Viðbragðsáætlunum almannavarna er skipt í þrjú stig sem skilgreina alvarleika þess ástands sem steðjar að. **Háskastigin eru: Óvissustig, hættustig og neyðarstig.**

Til þess að gefa til kynna umfang almannavarnaviðbragða, þ.e. fjölda þeirra eininga sem virkjaðar eru í þágu almannavarna í hvert sinn, þörf fyrir víðtæka samhæfingu og fjölda stjórnstiga er hægt að skilgreina umfang á hverju almannavarnastigi með litum sem hér segir:

- **Grænt**

Atburði er sinnt af fáum viðbragðsaðilum.

- **Gult**

Alvarlegur atburður og sinnt af mörgum viðbragðsaðilum.

- **Rautt**

Mjög umfangsmikill atburður á mörgum svæðum.

- **Svart**

Þjóðarvá - hamfarir eða atburðir sem hafa áhrif á mörg umdæmi á sama tíma.

Með hliðsjón af þessu taka sóttvornalæknir og ríkislögreglustjóri ákvörðun um umfang aðgerða hverju sinni og upplýsa viðbragðsaðila.

Óvissustig

Athuganir, mælingar, hættumat

Skilgreining:

Nýr undirflokkur influensuveiru greinist í mönnum en sýking milli manna er ekki þekkt nema í undantekningartilfellum og þá við mjög náið samband.

Ráðstafanir ákveðnar af ríkislögreglustjóra og sóttvornalækni með hliðsjón af alvarleika faraldurs.

1. Samráð / samstarf er við mikilvæg erlend samtök og stofnanir.
2. Samráð / samstarf milli innlendra stofnana, samtaka, fyrirtækja og félaga.
3. Skráning upplýsinga um staði þar sem sýking (covid 19) hefur komið upp.
4. Athugun á birgðastöðu matar, lyfja og annarrar nauðsynjavöru.
5. Athugun á boðleiðum, fjarskiptum og fleiru þess háttar.
6. Æfingar, almannavarnaæfing, minni æfingar innan stofnana og / eða hjá aðilum, sem hafa sameiginleg verkefni.

Hættustig

Viðbúnaður vegna hættu

Skilgreining:

1. Engin staðfest sýking hérlendis.
2. Litlar hópsýkingar af völdum nýs undirflokks inflúensuveirunnar brjótast út hjá mönnum á takmörkuðu svæði en veiran virðist ekki hafa lagað sig vel að mönnum.
3. Umtalsverðar hópsýkingar brjótast út hjá mönnum en þær eru enn staðbundnar. Vísbendingar eru um að veiran aðlagist mönnum í vaxandi mæli en þó ekki þannig að umtalsverð hætta sé á heimsfaraldri.

Ráðstafanir ákveðnar af ríkislögreglustjóra og sóttvarnalækni með hliðsjón af alvarleika faraldurs.

1. Ráðstafanir gerðar til að koma í veg fyrir að sýktir einstaklingar komi til Íslands.
2. Komi fólk frá sýktum svæðum til Íslands fer fyrsta læknisrannsókn fram í flughöfnum (Keflavík) og höfnum.
3. Söfnun og úrvinnsla faraldursfræðilegra upplýsinga.
4. Hugsanlega loka einhverjum höfnum / flugvöllum.
5. Heimasóttkví hugsanlega beitt gegn þeim sem eru einkennalausir en gætu hafa smitast.
6. Skip hugsanlega sett í sóttkví.
7. Skipulögð dreifing / taka fyrirbyggjandi inflúensulyfja meðal áhættuhópa íhuguð.
8. Athuga með heimköllun Íslendinga frá svæðum þar sem hópsýkingar af völdum nýs stofns inflúensu hafa brotist út.

Neyðarstig

Neyðaraðgerðir vegna atburða

Skilgreining;

1. Stofn inflúensuveirunnar hefur fundist í einum eða fleiri einstaklingum hérlendis eða heimsfaraldri hefur verið lýst yfir. Vaxandi og viðvarandi útbreiðsla smits meðal manna.

Ráðstafanir ákveðnar af ríkislögreglustjóra og sóttvarnalækni með hliðsjón af alvarleika faraldurs.

1. Viðbragðskerfi að fullu virkjað.
2. Samkomubann, lokun skóla o.fl.
3. Útskrift sjúklinga af sjúkrahúsum.
4. Skipulögð dreifing / taka fyrirbyggjandi inflúensulyfja meðal áhættuhópa.

Skammstafanir og orðskýringar

AR	Sýkingartíðni
AVD	Almannavarnadeild
AVN, Av-nefnd	Almannavarnanefnd
CDC	Sóttvarnastofnun Bandaríkjanna
CFR	Dánarhlutfall sjúkdóms
ECDC	Sóttvarnastofnun Evrópusambandsins
ESB	Evrópusambandið
LL	Landlæknisembættið
RLS	Ríkislögreglustjórinn
RÚV	Ríkisútvarpið
SST	Samhæfingarstöðin, Skógarhlíð
SVL	Sóttvarnalæknir
WHO	Alþjóðaheilbrigðismálastofnunin

DMR	Dómsmálaráðuneyti
HBR	Heilbrigðisráðuneyti
MRN	Menntamálaráðuneyti

Sóttvarnaráðstafanir

Heilbrigðisráðherra kveður á um **samkomubann** samkvæmt tillögu sóttvarnalæknis (sbr. 12. gr. laga nr. 19/1997). Almannavarnadeild ríkislögreglustjóra sér um framkvæmd samkomubanns í samvinnu við dómsmálaráðuneyti og lögreglustjóra. Í samkomubanni felst að fjöldasamkomur eru óheimilar, s.s. fundarhöld, skólastarf, skemmtanir á borð við dansleiki, leiksýningar og reglulegar guðsþjónustur. Samkomubann er sett samkvæmt nánari fyrirmælum sóttvarnalæknis. Þegar ekki eru lengur forsendur fyrir samkomubanni afléttir heilbrigðisráðherra því samkvæmt tillögu sóttvarnalæknis.

Heilbrigðisráðherra er heimilt að fenginni tillögu sóttvarnalæknis að **takmarka ferðafrelsi** manna með því að grípa til afkvíunar byggðarlaga og landsins alls og einangrunar sýktra manna, sbr 12. gr. sóttvarnalaga nr. 19/1997. Sóttvarnalæknir gefur fyrirmæli um nánari tilhögun takmarkana á ferðafrelsi. Almannavarnadeild sér um framkvæmd þessara ráðstafana í samvinnu við dómsmálaráðuneyti og lögreglustjóra.

Háskastig WHO

Alþjóðaheilbrigðisstofnunin (WHO) í samvinnu við sóttvarnastofnanir í Bandaríkjunum (CDC) og Evrópu (ECDC) ásamt framkvæmdastjórn ESB hafa með sér náið samstarf við að fylgjast með og meta stöðuna. Íslendingar fá upplýsingar frá WHO og hafa jafnframt nána samvinnu við ECDC og ESB um vöktun og viðbrögð.

Í stigaskipan WHO er gert ráð fyrir þremur skeiðum í heimsfaraldri; *skeið á milli heimsfaraldra, viðvörunarskeiði og skeiði heimsfaraldurs*. Innan hvers skeiðs eru skilgreind mismunandi stig og eru þau sex talsins.

Stig WHO segja meira til um útbreiðslu frekar en alvarleika sýkingar. Stig 6, *skeið heimsfaraldurs*, getur verið vaxandi útbreiðsla á vægri influensu. Viðbragðsáætlun ráðuneyta gegn heimsfaraldri influensu er gerð með háskastig almannaþinga til hliðsjónar en stigaskipan WHO er mikið notuð í fjölmiðlum og er sett hér fram til skýringar.

Háskastig WHO	
Stig heimsfaraldurs	Markmið aðgerða
<p>Skeið milli heimsfaraldra</p> <p>Stig 1. Enginn nýr influensustofn hefur greinst í mönnum.</p> <p>Stig 2. Enginn nýr stofn influensuveiru hefur greinst í mönnum. Stofn influensuveiru geisar í dýrum og talinn geta ógnað mönnum.</p> <p>Viðvörunarskeið</p> <p>Stig 3. Nýr stofn influensuveiru hefur greinst í mönnum en ekki er vitað til þess að hann berist manna á milli nema í undantekningartilfellum og þá við mjög náið samband manna.</p> <p>Stig 4. Litlar hópsýkingar brjótast út hjá mönnum á takmörkuðu svæði af völdum nýs stofns influensu en hann virðist ekki hafa lagað sig vel að mönnum.</p> <p>Stig 5. Umtalsverðar hópsýkingar brjótast út hjá mönnum en þær eru enn staðbundnar. Vísbendingar eru um að veiran hafi í vaxandi mæli aðlagast mönnum, þó ekki í þeim mæli að umtalsverð hætta sé á heimsfaraldri.</p> <p>Skeið heimsfaraldurs</p> <p>Stig 6. Heimsfaraldur: Vaxandi og viðvarandi útbreiðsla smits á meðal manna.</p>	<p>Styrkja viðbúnað við heimsfaraldri influensu.</p> <p>Lágmarka hættu á smiti, uppgötva og tilkynna slík smit án tafar.</p> <p>Tryggja hraða greiningu á nýjum stofni veirunnar. Greina tilfelli fljótt og tilkynna þau án tafar. Hröð viðbrögð við fleiri tilfellum.</p> <p>Halda nýjum stofni innan afmarkaðs svæðis/upsprettu eða seinka útbreiðslu og vinna tíma til að bregðast við (bóluefni ofl.).</p> <p>Hámarksáhersla er lögð á að koma í veg fyrir eða seinka útbreiðslu og, ef mögulegt, afstýra heimsfaraldri og vinna tíma til að hrinda í framkvæmd sóttvarnaráðstöfunum.</p> <p>Draga úr afleiðingum heimsfaraldurs eins og unnt er.</p>

4. Virkjun viðbragðsáætla skóla

Sóttvarnalæknir tilkynnir breytingar á háskastigi (sjá nánar um stig í kafla 3).

Breyttur viðbúnaður í skólum

Tilkynntar breytingar á háskastigi sem kalla á sérstök viðbrögð skóla á tilteknu sóttvarnasvæði eða landinu öllu verða staðfestar af menntamálaráðuneytinu með tilkynningu í fjölmiðlum og á heimasíðu þess www.menntamalaraduneyti.is og eftir atvikum með tölvupósti til skólastjórnenda og sveitarfélaga.

Viðbúnaður í einstökum skólum. Til þess getur komið að gera verði breytingar á skólahaldi í einstökum skólum án þess að tilkynnt hafi verið um breytt háskastig, t.d. vegna mikilla forfalla. Skólastjórnendur bera ábyrgð á slíkum breytingum með hefðbundnum hætti. Eðlilegt er að haft sé samráð við sóttvarnalækni á svæði skóla áður en veigamiklar breytingar á skólahaldi vegna inflúensu eru ákveðnar.

Afboðun. Þeir þættir viðbragðsáætla skóla sem virkjaðir eru skulu ekki aflagðir fyrir en formleg boðun um það kemur frá yfirvöldum.

Helstu verkefni skóla á einstökum stigum

Óvissustig

Unnið að gerð viðbúnaðaráætlunar. Skólarnir upplýsa starfsfólk, nemendur og aðstandendur þeirra og aðra hagsmunaaðila um undirbúning og viðbrögð komi til hættu- eða neyðarástands.

Hættustig

Stjórnendur hvers skóla stýra starfsmönnum til þeirra verkefna sem lýst er í viðbragðsáætlun skólans um skólahald á hættustigi.

Neyðarstig (e.t.v. samkomubann)

Stjórnendur hvers skóla stýra starfsmönnum til þeirra verkefna sem lýst er í viðbragðsáætlun skólans um starfsemi hans á neyðarstigi. Komi til samkomubanns verður skólum lokað á tilteknu svæði eða landinu öllu.

5. Stjórnun og lykilstarfsmenn skólans

Skólastjóri fer með daglega yfirstjórn skólans. Við skólann starfa einnig fjórir aðrir stjórnendur: aðstoðarskólastjóri og þrír deildarstjórar. Fræðslunefnd Fljótsdalshéraðs fer með málefni Egilsstaðaskóla eftir því sem lög og reglugerðir ákveða og bæjarstjórn felur henni. Fræðslufulltrúi Fljótsdalshéraðs er tengiliður skólastjórna við fræðslunefnd.

Lykilstarfsmenn skólans eru:

Ruth Magnúsdóttir, skólastjóri
Sigurbjörg Hvönn Kristjánsdóttir, aðstoðarskólastjóri
Harpa Höskuldsdóttir, deildarstjóri
Dagbjört Kristinsdóttir, deildarstjóri
Jónína Lovísa Kristjánsdóttir, deildarstjóri
Málfríður Hannesdóttir, ritari
Þórhallur Árnason, húsvörður og öryggisvörður
Guðbjörg Friðriksdóttir, öryggisvörður
Sigfús Guttormsson, öryggistrúnaðarmaður
Hildur Jóna Gunnlaugsdóttir, öryggistrúnaðarmaður

Skólaheilsugæsla.

Björg Eyþórsdóttir, skólahjúkrunarfræðingur
Ragnheiður Jara Rúnarsdóttir, skólahjúkrunarfræðingur
Pétur Heimisson, yfirmaður sóttvarna á Austurlandi

Allir starfsmenn skólans vinna á einni starfsstöð á Egilsstöðum.

6. Starfssvæði skólans og umfang

Egilsstaðaskóli er til húsa við Tjarnarlönd á Egilsstöðum. Aðkoma að skólanum er frá Tjarnarbraut í Tjarnarlönd. Gengið er inn í skólann á nokkrum stöðum, frá leiksvæði skólans og frá bílastæði, jafnframt til hægri yfir torg að austurálmú hússins og starfsmannainngangur er til norðurs. Alls er skólinn um 7900 m².

Í Egilsstaðaskóla er rekinn grunnskóli fyrir börn á aldrinum sex til sextán ára. Árið 2020 stunda 370 nemendur nám við skólann og starfsmenn eru um 80. Í skólanum er starfrækt framleiðslueldhús, sem sér skólastofnunum í þéttbýli á Fljótsdalshéraði fyrir mat. Mötuneytið er rekið af sveitarfélaginu. Tónlistarskóli Egilsstaða er jafnframt til húsa í skólabyggingunni.

7. Áhættumat vegna inflúensufaraldurs

Sóttvarnalæknir hefur gert bráðabirgðamat á afleiðingum yfirvofandi heimsfaraldurs þar sem tillit er tekið til afleiðinga. Ef veiran nær útbreiðslu hér á landi er líklegt að fjarvistir frá vinnu verði nokkrar. Mögulega má búast við að veikindi verði meira langvarandi en í árlegum inflúensufaraldri.

Fjarvistir starfsfólks geta stafað af mismunandi ástæðum, til dæmis vegna:

- Smits af völdum kórónaveiru.
- Annarra veikinda.
- Annarra fjölskyldumeðlima sem þarf að hugsa um, vegna veikinda eða lokun leik- og grunnskóla.
- Beiðna vinnuveitanda um að halda sig fjarri vinnustað og vinna heiman frá sér.
- Beiðna heilbrigðisyfirvalda um heft ferðafrelsi eða samkomubann.
- Raskana á almenningssamgöngum eða ótta starfsmanna við að ferðast innan um hóp fólks.
- Ótta starfsfólks við að smitast ef þeir mæta til vinnu.

Ekki er hægt að spá fyrir með vissu hverjar fjarvistir á vinnustöðvum verða. Það veltur m.a. á því um hversu skæða farsótt er að ræða, hvernig starfsfólk metur hættuna, hvort skólum og stofnunum verður lokað og til hvaða ráða er tekið í viðbrögðum vinnustaða í þeim tilgangi að minnka líkur á fjarvistum og smiti innan vinnustaðarins (úr viðbragðsáætlun Fljótshéraðs, 2020).

Upplýsingaskylda starfsfólks um eigin heilsu

Öllu starfsfólki sveitarfélagsins er skylt að láta næsta yfirmann vita ef að:

- Viðkomandi hefur ferðast til eða í gegnum lönd, landsvæði og eða borgir sem eru á skilgreindum svæðum með smithættu samkvæmt vef Landlæknis, [sjá hér](#).
- Viðkomandi hafi komið í snertingu eða návígi við einstakling sem er með eða grunaður um að vera með Covid-19 vírusinn, eða einstakling sem er í sóttkví eða einangrun.
- Viðkomandi hafi undanfarna 14 daga haft einkenni hósta, hita eða öndunarerfiðleika.
- Starfsmaður komi erlendis frá, utan þeirra svæði sem skilgreind eru með mikla smithættu, og er alveg einkennalaus þá ætti hann einfaldlega að sinna sínu líf ins og sjá má er líklegt að um nokkrar fjarvistir starfsmanna verði að ræða í inflúensufaraldri (úr viðbragðsáætlun Fljótshéraðs).

8. Viðbragðsáætlun –Egilsstaðaskóla- við heimsfaraldri influensu

Verkefnisstjórn við gerð, uppfærslu og virkjun viðbragðsáætlunar

Stjórnendur skólans annast gerð, uppfærslu og virkjun viðbragðsáætlunar skólans í samráði við sóttvarnalækni.

Stjórnendur skólans eru:

Ruth Magnúsdóttir, skólastjóri
Sigurbjörg Hvönn Kristjánsdóttir, aðstoðarskólastjóri

Sé ástæða til að virkja viðbragðsáætlun skólans er öryggisnefnd skólans virkjuð.
Í öryggisnefnd skólans sitja:

Sigfús Guttormsson, öryggistrúnaðarmaður
Hildur Jóna Gunnlaugsdóttir, öryggistrúnaðarmaður
Guðbjörg Friðriksdóttir, öryggisvörður
Pórhallur Árnason, öryggisvörður
Ruth Magnúsdóttir, skólastjóri

Fræðsla til nemenda, starfsmanna og aðstandenda.

Skólastjóri og aðstoðarskólastjóri upplýsa starfsmenn og foreldra nemenda um influensuna, útbreiðsluleiðir, hvernig draga meggi úr smitleiðum, viðbrögð skólans o.s.frv. Upplýsingar verða settar á vefsíðu skólans og sendar foreldrum í tölvupósti.

Viðbragðsáætlun skólans er kynnt starfsmönnum á starfsmannafundi árlega.

Starfsmenn fá fræðslu um hvernig draga meggi úr smitleiðum og hvernig þeir eigi að bregðast við veikist þeir sjálfir (sjá hér fyrir neðan) eða nemendur (sjá hér fyrir neðan). Leiðbeiningar verða síðan hengdar upp á áberandi stöðum innan skólans til áminningar.

Skólaheilsugæsla fræðir nemendur um handþvott og mikilvægi hans til að drag úr smitleiðum.

Lögð er áhersla á mikilvægi þess að upplýsingar miði að því að eyða óþörfum ótta og að tekist sé á við hugsanlega vág af yfirvegum, festu og þekkingu. Bent skal á að grunnupplýsingar má fá í bæklingi sem er að finna á www.almannavarnir.is og heitir „Munum eftir influensunni“ svo og á www.influensa.is og www.covid.is. Upplýsingar um breytta ræstingu og hlífðarbúnað má fá á www.influensa.is.

Viðbragðsáætlun er vistuð á heimasíðu skólans.

Hvernig á að bregðast við veikindatilfellum nemenda í skólanum?

Ef nemendur veikjast í skólanum gilda eftirfarandi reglur.

- Haft er samband við foreldra/forráðamenn og þeir beðnir að sækja nemandann í skólann (eldri nemendur mega fara einir heim ef foreldri heimilar)
- Ef grunur leikur á að nemandinn sé með covid19 smit eru foreldrar hvattir til að hafa samband við lækni.
- Einkenni einstaklings ráða hvenær hann kemur til skóla aftur.
- Ef nemandi mætir í skólann með influensu/covid 19 smit eða vísbendingar um slíkt, er haft samband við foreldra/forráðamenn og þeir beðnir að sækja nemandann til að hindra

útbreiðslu smits. Foreldrum/forráðamönnum verður þá bent á að fara að leiðbeiningunum hér að framan.

Foreldrar eru hvattir til að vera í sambandi við skólaheilsugæslu óski þeir ráðgjafar eða frekari upplýsinga um inflúensuna/covid19.

Ef starfsmaður veikist:

Starfsmenn eru sérstaklega hvattir til að fylgjast með eigin heilsu á næstu vikum og mánuðum. Ef grunur leikur á inflúensumiti/covid 19, þ.e. ef fram koma einkenni s.s. skyndilegur hiti, hálssærindi, hósti, beinverkir og höfuðverkur, þá gilda eftirfarandi leiðbeiningar:

- Starfsmaður fer heim.
- Starfsmaður leitar álits læknis hvort um inflúensu geti verið að ræða.
- Einkenni einstaklings ráða hvenær hann kemur til vinnu aftur.
- Ef starfsmaður mætir til vinnu með inflúensu eða vísbendingar um inflúensu, er hann beðinn um að fara heim til að hindra útbreiðslu smits. Honum er bent á að fara að leiðbeiningunum hér að framan.

Rétt er að vekja athygli á því að ef einhver greinist með inflúensuna á heimili starfsmanns getur hann mætt til vinnu ef hann er án einkenna, nema annað sé ákveðið og hann sé í sóttkví.

Starfsmönnum er bent á að fylgjast með fyrirmælum sóttvarnalæknis og almannavarna á vef www.almannavarnir.is, www.landlaeknir.is, www.covid.is, www.influensa.is,

Endurskipulagning ræstinga

Strax á óvissustigi verða ræstingar endurskipulagðar. Skólastjóri fundar með starfsfólki og fer yfir skipulag ræstinga og hreinlæti á hverju hættustigi fyrir sig. Lögð verður áhersla á einnota hlífðarbúnað s.s. hanska og svuntur. Einnig verður lögð áhersla á reglulega notkun sprittgels.

Á hættustigi getur komið til vaktaskipta í ræstingu. Á neyðarstigi verða vaktaskipti til að lágmarka samskipti starfsfólks svo og til að tryggja ræstingu. Ef kemur til lokunar skóla verða ræstingar skipulagðar með það að markmiði að lágmarka samskipti þeirra sem eru í vinnu en einnig með það í huga að hægt verði að opna skólann með stuttum fyrirvara. Skólastjóri eða staðgengill hans ber ábyrgð á skipulagi ræstinga.

Skipulag afleysingakerfis lykilstarfsmanna (skólastjórnenda) ef til veikinda kemur hjá þeim.

Á neyðarstigi er skólanum skipt upp í sóttvarnarhólf og starfsfólki einnig. Þetta er gert til þess að minnka samgang starfsfólks og hindra að smit breiðist út um skólann. Á neyðarstigi skiptast skólastjóri og aðstoðarskólastjóri á að vinna heima til þess að stuðla að því að þeir veikist ekki báðir á sama tíma.

Aðstoðarskólastjóri er staðgengill skólastjóra. Veikist bæði skólastjóri og aðstoðarskólastjóri á sama tíma verður Harpa Höskuldsdóttir, deildarstjóri, starfandi skólastjóri. Forfallist hún verður Dagbjört Kristinsdóttir, deildarstjóri, starfandi skólastjóri.

Húsvörður skólans tryggir umsýslu fasteigna og öryggismála og í forföllum hans skólastjóri eða aðstoðarskólastjóri

Á neyðarstigi almannavarna gilda eftirfarandi reglur um starfsemi skólans.

- Öryggisvörður kannar birgðir af hreinlætisvörum e.o. sápu, sóttþreinsispritti, handþurrkum, ræstingavörum o.þ.h. Passa þarf uppá að birgðastaða sé góð og anni nokkurra vikna þörf. Eins þarf að skoða hvort þörf er á tíðari þrifum.
- Foreldrar eða aðrir utanaðkomandi er ekki heimilt að koma inn í skólann.
- Allir fundir með foreldrum í tengslum við skólann eða ALL teymið falla niður á neyðarstigi almannavarna. Nýta má fundi í síma eða tölvu til að vera í sambandi við foreldra.
- Í faraldri skal starfsfólk lágmarka fundahöld. Gildir þetta jafnt um fundi innan sem utan skólans. Notast skal við síma og tölvur til samskipta eins og frekast er unnt og fyrir mælum sóttvarnarlæknis fylgt eftir sem við á.
- Skólinn fylgir fyrir mælum sóttvarnalæknis hverju sinni varðandi ferðalög innanlands sem utan. Taka skal tillit til þess ef fólk vill síður ferðast innan um aðra þegar faraldur stendur yfir.
- Um veikindaleyfi og umönnunarleyfi starfsfólks gilda ákvæði kjarasamninga. Meta þarf í samráði við fræðslustjóra rýmri reglur hvað þetta varðar telji hann nauðsynlegt að mæta þörfum starfsfólks vegna umönnunar barna eða náinna ættingja.
- Starfsfólk getur átt von á að vera fært til milli starfa til að sinna verkefnum sem hafa forgang í inflúensufaraldri.
- Skólastjóri getur hvenær sem er ákveðið að breyta fyrirkomulagi á skólahaldi til að draga úr smithættu eða til að mæta breyttum aðstæðum innan skólans meðan á faraldrinum stendur.
- Skólastjóri og öryggisverðir skulu vakta daglega hver tilmæli almannavarna og sóttvarnalæknis eru, eftir að viðbragðsáætlun hefur verið virkjuð. T.d. á upplýsingafundum og vefsíðum eins og www.landlaeknir.is og www.almannavarnir.is.
- Skólastjóri skal sjá um að koma fréttum og skilaboðum áleiðis til alls starfsfólks og foreldra með tölvupóstsendingum og tryggja að upplýsingar séu settar á heimasíðu.
- Lögð verður áhersla á að halda skrifstofu skólans og símsvörun opinni.

Komi til lokunar skóla

Hvernig verður lokun auglýst og aflýst?

Skólastjóri eða staðgengill hans tekur ákvörðun um lokun skóla í samráði við öryggisnefnd og að áliti sóttvarnarlæknis. Komi til lokunar Egilsstaðaskóla, sendir skólastjóri tilkynningu þar um öllum forráðamönnum nemenda og starfsmönnum skólans í tölvupósti. Jafnframt verður sett tilkynning á heimasíðu skólans og verður lokun auglýst við alla inngönguleiðir í skólann.

Stuðst verður við eftirfarandi gátlista.

- Tilkynna ákvörðun um lokun skólans lokunina og viðbrögð við henni skv. viðbragðsáætlun skólans.
- Setja upp áberandi auglýsingar, m.a. við innganga, um að skólinn sé lokaður nemendum.
- Yfirfara öryggismál fasteigna og búnaðar skólans.
- Koma upplýsingum til starfsmanna með tölvupósti um hlutverk þeirra í starfseminni á tíma lokunar.
- Virkja áætlanir um skólastarf á tíma lokunar. Vera í sambandi við yfirvöld almannavarna komi til þess að húsnæði skólans verði nýtt í þágu almannavarna.

Haldið verður uppi þjónustu við nemendur og foreldra með tölvusambandi og á heimasíðu skólans komi til lokunar skólans. Fjölskylduvefur Mentor verður notaður til að miðla upplýsingum og umsjónarkennarar eða staðgenglar senda þannig upplýsingar til forráðamanna. Þeir erlendu nemendur skólans og forráðamenn fá lykilupplýsingar þýddar og þeir aðstoðaðir sérstaklega. Deildarstjóri sérkennslu annast stjórn upplýsinga til þessa hóps.

Starfsmenn munu vinna frá heimilum sínum og aðeins verður lágmarksmönnun í skólahúsnæðinu þ.e. skólastjórnendur, húsvörður og ritari. Kennarar senda nemendum námsáætlun til að vinna eftir og hafa samráð við forráðamenn.

Umsýsla fasteigna og öryggismála meðan á lokun stendur Húsvörður stjórnar umsýslu fasteigna og öryggismála í umboði skólastjóra, er staðgengill hans.

Húsvörður, skólastjóri og aðstoðarskólastjóri mynda teymi sem skipuleggur eftirlit með húsnæði skólans meðan á lokun stendur. Í forföllum þeirra er stuðst við afleysingakerfi sem lýst er hér framar.

Hvernig verður staðið að skipulagningu skólastarfs eftir opnun?

Takmörkunum á skólastarfi eða lokun skólans verður ekki aflétt nema samkvæmt upplýsingum frá stjórnvöldum. Skólastjórnendur munu skipuleggja skólastarfið eftir opnun. Yfirfara þarf m.a. skóladagatal og kennsluáætlanir. Í kjölfar slíkrar lokunar og kann það að taka nokkurn tíma. Hugað verður einnig að andlegu ástandi nemenda og starfsfólks í samvinnu við skólahjúkrunarfræðinga og stuðningsþjónustu skólans. Lögð verður áhersla á að kenna strax eftir stundaskrá sé þess nokkur kostur.

Stuðst verður við eftirfarandi gátlista:

- Huga að aðstoð og áfallahjálpi fyrir þá sem eru að hefja skólastarfið á ný. (ath. leiðbeiningar til skóla og e.t.v. aðgang að áfallateymum)
- Greina ástand starfslíðsins til að hefja reglubundið skólastarf að nýju.
- Gera áætlun um framhald skólastarfsins í samræmi við stöðu mála.
- Upplýsa alla hagsmunaaðila um áætlun skólans um framhald skólastarfsins.
- Undirbúa húsnæði fyrir kennslu í samræmi við leiðbeiningar heilbrigðisyfirvalda.
- Huga að heilsu og öryggi nemenda og starfsmanna, bregðast við sorg og ótta sem býr með mönnum eftir mikil áföll.
- Hafa samráð við heilbrigðisráðgjafa um viðbrögð við veikindatilfellum og varúðarráðstafanir fyrstu vikunnar eftir lok faraldurs.
- Yfirfara viðbragðsáætlun í ljósi reynslunnar.

9. Samskiptaleiðir

Lykilaðilar er varðar boðun og afboðun eru sóttvarnalæknir á Egilsstöðum, Pétur Heimisson, skólastjóri, Ruth Magnúsdóttir, fræðslufulltrúi, Helga Guðmundsdóttir fræðslufulltrúi Fljótsdalshéraðs og Berglind Svavarsdóttir, formaður fræðslunefndar.

Pétur Heimisson, sóttvarnalæknir, sími 4703000

Ruth Magnúsdóttir, skólastjóri, sími 4700608 ruth@egilsstadir.is

Helga Guðmundsdóttir, fræðslufulltrúi Fljótsdalshéraðs, sími 4700703, helga@egilsstadir.is

Berglind Svavarsdóttir, formaður fræðslunefndar berglinds@egilsstadir.is

Starfsmenn

Lykilstarfsmenn skólans eru:

Ruth Magnúsdóttir, skólastjóri, sími 4700607, ruth@egilsstadir.is
Sigurbjörg Hvönn Kristjánsdóttir, aðstoðarskólastjóri, sími 4700608, sigurbjorg@egilsstadir.is
Harpa Höskuldsdóttir, deildarstjóri, sími 4700620, harpa@egilsstadir.is
Dagbjört Kristinsdóttir, deildarstjóri, sími 4700615, dagbjort@egilsstadir.is
Jónína Lovísa Kristjánsdóttir, deildarstjóri, sími 4700620 joninak@egilsstadir.is
Málfríður Hannesdóttir, ritari, sími 4700605, malfridur@egilsstadir.is
Þórhallur Árnason, húsvörður, sími 8606862, thorhallur@egilsstadir.is

Björg Eyþórsdóttir, skólahjúkrunarfræðingur, sími 470-3000 bjorge@hsa.is
Ragnheiður Jara Rúnarsdóttir, skólahjúkrunarfræðingur, sími 470-3000
ragnheidur.jara@hsa.is
Pétur Heimisson, yfirmaður sóttvarna á Austurlandi, sími 470-3000

10. Kort og teikningar

Sóttvarnasvæðin

Íslandi er skipt upp í átta sóttvarnaumdæmi og er sóttvarnalæknir skipaður í hverju þeirra. Í stórum sóttvarnaumdæmum eru skipaðir sóttvarnalæknar ákveðinna svæða. Sjá mynd 10.1.

Sóttvarnalæknar umdæma og svæða

Höfuðborgarsvæðið

Vesturland

Vestfirðir

Norðurland


Austurland

Pétur Heimisson, Heilbrigðisstofnun Austurlands, Egilsstöðum

Suðurland

Vestmannaeyjar

Suðurnes



11. Dreifingarlisti

Eintakið er vistað rafrænt á eftirtöldum vefsíðum: www.egilsstadaskoli.is

Innri vefur skólans :

Auk þess eru rafræn og prentuð eintök vistuð á eftirtöldum stöðum:

Deildir innan skólans, nefnið allar og fjölda eintaka	
Skrifstofa skólastjóra	1 stk.
Kaffistofa starfsfólks	1 stk.
Ritari skólans	1 stk.

12. Breytingasaga

Útgáfa	Dagsetning	Skýringar / breytingar	Fært inn af:
	10/08/2009	Sniðmát menntamálaráðuneytis sent skólanum	
1.0	01/09/2009	Viðbragðsáætlun skóla birt	SJJ/SHK
2.0	Mars/2020	Endurskoðun í tengslum við Covid 19	RM
2.0	25/03/2020	Viðbragðsáætlun skóla birt	RM/SHK

13. Gátlisti skólastjórnenda - út landsviðbragðsáætlun

Óvissustig

- Skólastjóri er ábyrgur fyrir gerð eða uppfærslu viðbragðsáætlunar viðkomandi stofnunar.
- Yfirfara allar boðleiðir og gera áætlun um hvernig nýta megi sem best upplýsingamiðlun fræðsluaðila svo sem símasvörun, tölvupóst, nettengd kennslukerfi, heimasíðu og samskiptamiðla.
- Stjórnendur vakta nýjar upplýsingar og uppfæra starfsfólk um óvissustig og viðbragðsáætlun.

Hættustig

- Gera birgðaáætlun um sóttvarnabúnað (grímur, hanskar o.fl.) og tryggja nægar birgðir.
- Gera/uppfæra verklagsreglur um ræstingar með tilliti til sóttvarna.
- Gera/uppfæra verklagsreglur um viðbrögð við veikindum nemenda og starfsfólks í

samræmi við tilmæli heilbrigðisyfirvalda og almannavarna.

- Gera/uppfæra áætlun um öryggi fasteigna og búnaðar, komi til lokunar í samvinnu við forstöðumann eignasjóðs.
- Skrá sérstaklega fjarvistir nemenda og starfsfólks vegna viðkomandi veikinda.
- Huga að því að nemendum í brotthvarfshættu (þar sem við á) bjóðist stuðningur námsráðgjafa þar sem því verður við komið.

Neyðarstig

- Skólar munu halda uppi starfsemi eins lengi og unnt er og samkvæmt tilmælum frá heilbrigðisyfirvöldum og almannavörnum.
- Markmið er að starfsfólk skóla haldi áfram störfum þó nemendur eða starfsfólk sé sent heim vegna sóttvarnaráðstafana.
- Fylgja verklagsreglum um ræstingar með tilliti til sóttvarna.
- Skipuleggja hlutverk kennara í fjarkennslu og heimanámi eftir því sem við á.
- Skrá sérstaklega fjarvistir nemenda og starfsfólks vegna viðkomandi veikinda.
- Hugað að því að nemendum í brotthvarfshættu (þar sem við á) bjóðist stuðningur námsráðgjafa þar sem því verður við komið.
- Fylgja leiðbeiningum embættis landlæknis og almannavarna varðandi viðburði/samkomur og leggja mat á hvort draga eigi úr viðburðum sem aðrir en nemendur og kennarar eru hluti af og ekki teljast nauðsynlegir.
- Tryggja og fylgjast með öryggi fasteigna og búnaðar komi til lokunar viðkomandi stofnunar í samráði við yfirmann eignasjóðs